



Marilyn Barbone. Dreamstime.com

# Pam gweddïo?

Pam gweddïo?' Mae'n gwestiwn a ofynnir am bob math o resymau. Mae rhai'n ei ofyn am na welant unrhyw synnwyr mewn gweddi; eraill am eu bod yn credu nad oes ateb i weddi; eraill am eu bod yn ystyried gweddï'n ddefod grefyddol sych; ac eraill am iddynt gael trafferth i weddïo, ac yn arbennig i ddal ati i weddïo. Gall Cristnogion ofyn y cwestiwn ar brydiau, a hynny am un neu ragor o'r rhesymau hyn.

**F**elly, pam gweddïo? Pam yr ydym ni Gristnogion yn honni bod gweddï'n bwysig ac yn angenrheidiol ac yn fuddiol? Pam yr ydym yn gwneud gweddi yn un o hanfodion y bywyd Cristnogol? Pam yr ydym yn mynnu dweud bod rhywbeth mawr yn ddiffygiol ym mywyd unrhyw Gristion sy'n esgeuluso neu sy'n diystyru gweddi?

Gadawn i'r Arglwydd Iesu ei hunan ateb y cwestiwn i ni, er nad yw'n trafod y cwestiwn fel y cyfryw. O ran gweddi, mae gan Iesu fwy i'w ddweud am y 'sut' a'r 'beth' nag am y 'pam'. Mae'n cymryd yn ganiataol y bydd ei ddisgyblion yn gweddïo. Mewn gwirionedd, mae'n rhoi llawer mwy o sylw i'r hyn sy'n digwydd 'pan fyddi di'n gweddïo' nag i egluro *pam* y dylai neb

ohonom weddïo. Ac eto, gan yr Iesu y cawn ni'r ateb i'r cwestiwn hefyd.

O edrych ar Iesu, ac o wrando arno, gwelwn fod gweddï'n bwysig ac yn angenrheidiol i ni, ei ddilynwyr. Oherwydd yn ei fywyd a'i ddsgeidiaeth ef, cawn dri rheswm syml iawn dros wneud gweddï'n rhan annatod o'n bywydau fel Cristnogion. Pam gweddïo, felly? Am fod Iesu Grist yn ein dysgu i weddïo. Am fod Iesu'n gorchymyn i ni weddïo. Ac am fod Iesu ei hunan yn gweddïo.

**Mae gweddï'n bwysig i ddechrau am fod yr Arglwydd Iesu'n ein dysgu i weddïo.**

Mae'n rhagdybio fod ei ddisgyblion yn gweddïo, ac yn y Bregeth ar y Mynydd mae'n eu dysgu sut i

wneud hynny (Mathew 6:5-13). Mae'n mynd i drafferth i egluro i'w ddisgyblion ac i ninnau ein bod yn meithrin perthynas bersonol â'n Tad nefol wrth fynd o'r neilltu i weddïo. Mae'n pwysleisio'r angen i fod yn ddiffuant a diragrith wrth weddïo. Mae eisiau i ni ddeall bod y Duw sydd yn y dirgel yn clywed ac yn ateb ein gweddïau. Ac mae'n ein hannog i weddïo trwy ein sicrhau fod Duw'n gwybod yn union beth yw ein hanghenion cyn i ni ofyn am ddim ganddo. Ac wrth fynd ymlaen i'n dysgu i weddïo 'fel hyn', mae'n dangos yn glir pam y dylem weddïo. Wrth weddïo, meddai, rydym yn cydnabod mawredd Duw; yn pledio arno i lwyddo'i deyrnas a chyflawni'i ewyllys; yn cydnabod ein dibyniaeth arno am gynhaliath



faterol; yn ceisio'i faddeuant a'i ras i faddau i eraill; yn cyfaddef ein hangen am nerth a gras yn wyneb profedigaeth a themtasiwn.

### **Mae gweddi'n bwysig wedyn am fod Iesu'n gorchymyn i ni weddiö.**

'Gweddiwch chi fel hyn', meddai. Nid awgrym mo hwn. Nid gwahoddiad mohono chwaith. Gorchymyn ydyw, a rhywbeth i ufuddhau iddo yw gorchymyn. Fel y gwelsom, mae a wnelo gweddi â meithrin perthynas fywiol â Duw. Ond i'r Cristion, mae gweddi hefyd yn orchymyn gan Iesu Grist. Nid rhywbeth y gallwn ddewis ei wneud neu beidio yw gweddi. Rydym i fod i wneud hyn. Mae Iesu Grist ei hun yn dweud wrthym i wneud hyn. 'Gweddiwch', meddai, 'dros y rhai sy'n eich erlid' (Mathew 5:44). 'Gweddiwch na fyddwch yn gorfod ffoi yn y gaeaf nac ar y Saboth'

(Mathew 24:20). 'Gweddiwch bob amser ..' (Luc 21:36).

Ac mae'n cadarnhau hynny hefyd wrth adrodd y ddameg am y weddw daer, 'i ddangos fod yn rhaid iddynt weddiö bob amser yn ddiiflino' (Luc 18:1). Gall y berthynas â Duw oeri, ac o reidrwydd ar adegau felly bydd gweddi'n diffygio. Ond hyd yn oed pan fo'r galon yn oer a'r ewyllys yn wan, mae'r Cristion dan orchymyn i weddiö er mwyn cydnabod ei angen a mynegi ei ddiolch a'i glod i Dduw.

### **Ac mae gweddi'n bwysig am fod Iesu ei hun yn gweddiö.**

Nid sôn am weddi, na gorchymyn i eraill weddiö a wna'i Iesu yn gyntaf, ond gweddiö! Roedd gweddi'n ganolog i'w holl fywyd. Byddai'n mynd o'r neilltu i weddiö ei hunan (Luc 11:1) ac yn gweddiö gyda'i

ddisgyblion (Luc 9:18). O ddydd ei fedydd (Luc 3:21) i awr ei farw (Luc 23:46) roedd Iesu'n gweddiö. Cyn dewis y deuddeg disgybl (Luc 6:12); cyn cerdded ar y dŵr (Marc 6:46); ar Fynydd y Gweddnewidiad (Luc 9: 28-29); cyn atgyfodi Lasarus (Ioan 11:41); yng ngardd Gethsemane (Marc 14:36); ac ar y groes (Mathew 27:46; Luc 23:34), roedd Iesu'n amlwg yn cyflwyno popeth i'w Dad.

Ac os oedd Iesu'n ymwybodol o'r angen am gymorth a nerth, ac yn ymdeimlo â'r rheidrwydd i gyflwyno popeth i ofal ei Dad nefol, cymaint mwy ein hangen ninnau i wneud hynny bob dydd.

### **John Pritchard**

*Mae John Pritchard yn weinidog mewn eglwysi Annibynnol a Phresbyteriaid yn Llanberis, Deiniolen a Nant Peris, ac ar hyn o bryd yn cynorthwyo Eglwys Efengylaidd Gwyrfa.*